

明史纂

列傳第一

光祿大夫

經筵講官明史總裁

部尚書加七級

臣王鴻緒奉

敕編撰

后妃上

太祖孝慈高皇后

孫貴妃

李淑妃

郭寧妃

懿文太子常妃

呂妃

建文馬皇后

成祖仁孝徐皇后

權賢妃

王貴妃

仁宗誠孝張皇后

宣宗恭讓胡皇后

孝恭孫皇后

吳賢妃

郭嬪

英宗孝莊錢皇后

孝肅周太后

景帝汪廢后

肅孝杭皇后附

憲宗吳廢后

孝貞王皇后

孝穆紀太后

孝惠邵太后

萬貴妃

明太祖鑒前代女禍立綱陳紀首嚴壺教洪武元年命儒臣修女誡諭翰林學士朱升曰治天下者修身爲本正家爲先后妃雖母儀天下然不可俾預政事至於嬪嬙之屬奉侍巾櫛恩寵或過踰禮越防上下失序歷代宮闈政由內出鮮有

不爲禍亂者夫內嬖惑人甚於鴆毒惟明主能察於未然下
此多爲所累卿等其纂述女誡及古賢如事可爲法者使後
世子孫知所持守升等乃編錄上之九年八月命禮臣議宮
官女職之制禮臣上言周制後宮設內官以贊內治漢設內
官一十四等凡數百人唐設六局二十四司官凡一百九十
八女使五十餘人皆選良家女充之帝曰所設過多宜防寵
嬖命重加裁定於是折衷曩制女官立六局一司局曰尚宮
尚儀尚服尚食尚寢尚功司曰宮正秩皆正六品每局領四
司其屬二十有四而尚宮司總行六局之事戒令責罰則宮
正掌之官七十五人女史十八人視唐減百四十餘人凡以
服勞宮寢祇勤典守而已一切充華美人昭容修媛雖著稱

而錄而意在色升者雖德選者悉罷不設諸妃位號亦惟取
賢淑莊敬惠順康寧閔房雍肅皆寓殊遠以命工部制紅牌
鐫戒諭后妃之訓懸於宮中牌用鐵字飾以金復著令典自
后妃以下至嬪御女史巨細衣食之費金銀幣帛器用百物
之供皆自尚宮取旨牒內使監覆奏移部臣取給焉若尚宮
不及奏內使監不覆奏而輒領於部者論死或以私書出外
罪亦如之宮嬪以下有疾醫者不得入宮以證取藥嗚呼何
其慎也是以終明代無龍蠱燕啄之妖墨敕斜封之禍不特
同輩並坐者羣臣無所容且竊謂內宮闡秘遂卽陰教之貞
淑容儀之美麗外廷亦罕得聞焉家法之善未有如明者也
上白孝慈下迄慈后考厥廢興其時代雖所遇不齊顯晦

與致而同居正號者並列於篇其妃嬪有事實者亦附見焉
作后妃列傳

太祖孝慈高皇后馬氏宿州人父馬公母鄭媼早卒馬公素
善郭子興嘗客濠以后託子興尋亦卒子興育之如已女子
興奇太祖以后歸焉后仁慈有智鑒好書史太祖有劄記輒
令后掌倉卒未嘗忘子興嘗信讒疑太祖后善事其妻嫌隙
得釋太祖既克太平后率將士妻妾渡江及居江寧吳楚接
境戰無虛日親緝甲士衣鞋佐軍陳友諒寇龍灣太祖帥師
禦之后盡發宮中金帛犒士嘗語太祖定天下以不殺人爲
本太祖善之洪武元年正月太祖卽帝位冊爲皇后初子興
子數困帝幽室中后竊炊餅懷以餉帝肉爲焦歲大侵嘗貯

糗糒脯脩供帝無所之絕而已不宿飽及貴帝德后至比之
無羹豆粥減沲麥飯嘗對羣臣述后賢同于唐長孫皇后間
以語后后曰妾聞夫婦相保易君臣相保難陛下不怠妾同
貧賤願無忘羣臣其艱難且妾何敢比長孫皇后也帝廉得
后族人欲官之后謝曰爵祿私外家非法固辭而止后既正
位益自貶損勤于內治選女史日講說古訓誠諭六宮以宋
多賢后錄其家法朝夕省覽或言宋過仁厚后曰過仁厚不
愈刻薄乎一日問女史黃老何教也而竇太后好之女史曰
清靜無爲爲本若絕仁棄義民復孝慈是其教矣后曰孝慈
卽仁義也詎有絕仁義而爲孝慈者哉后嘗誦小學請帝表
章焉帝前殿決事或震怒后伺帝還宮輒隨事微諫雖帝性

不可犯然爲緩刑戮者數矣參軍郭景祥守和州人言其子持稍欲殺父帝將誅之后曰景祥止一子人言或不實殺之絕其後矣帝廉之果枉乃釋李文忠守巖州楊憲誣其不法帝欲召還后曰嚴敵境也輕易將不宜且文忠素賢憲言詎可信帝遂已又忠後卒有功學士宋濂坐孫罪逮論死后諫曰民家爲子弟延師尚以禮全終始況天子乎且濂家居必不知情帝不聽會后侍帝食不御酒肉帝問故對曰妾爲宋先生作福事也帝惻然投箸起明日赦濂安置茂州吳興富民沈秀者助築都城三之一又請犒軍帝怒曰匹夫犒天子軍亂民也宜誅后諫曰妾聞法也者誅不法也非以誅不祥民富敵國民自不祥不祥之民天將災之陛下何誅焉乃釋

秀戍雲南帝嘗令重囚繫城后曰罰贖至仁也但疲囚加役恐不免死亡帝乃悉赦之帝嘗怒責宮人后亦佯怒令執付宮正司議罪帝曰何爲后曰明王不以喜怒加刑賞當陛下怒時恐有畸重付宮正則酌其平矣卽陛下論罪人亦詔有司一日問帝今天下民安乎帝曰此非爾所宜問也后曰陛下天下父妾辱天下母子之安否何可不問遇歲旱輒率宮人蔬食助祈禱歲凶則設麥飯野羹帝或告以賑卹后曰賑卹不如蓄積之先備也奏事官朝散會食廷中后命中官取飲食親嘗之味弗甘遂啟帝曰人主自奉欲薄養賢宜豐帝爲飭光祿官帝幸太學還后問生徒幾何帝曰數千后曰人于衆矣諸生有廩食妻妾將何所仰給于是立紅板倉積糧

賜其家太學生家糧自后始諸將克元都俘寶玉后曰元有是而不能守意者帝王自有寶歟帝曰朕知汝謂得賢爲寶耳后拜謝曰誠如陛下言妾與陛下起貧賤至今日恒恐驕縱生於奢侈危亡起於微細故願得賢人共理天下又曰法屢更必弊法弊則奸生民數擾必困民困則亂生帝嘆曰至言也命女史書之冊其規正類如此帝每御膳后皆躬自省視平居服大練浣濯之衣雖敝不忍易聞元世祖后煇故弓絃事亦命取練織爲袞襦以賜高年笄獨餘帛類絲緝成衣獎賜諸王妃公主使知蠶桑艱難妃嬪宮人被寵有子者厚待之命婦入朝待之如家人禮言及馬公鄭媼早卒輒悲鳴流涕帝感其意爲修墓置廟焉洪武十五年八月寢疾羣臣

請禱祀求良醫屢請藥餌既在希也禱祀何益且醫何能活
人使服藥不效陛下能不以嗟故而殺諸醫乎疾急帝問所
欲言曰願陛下求賢納諫慎終如始子孫皆賢臣民得所而
已八月丙戌則年五十一九月庚午葬孝陵謚曰孝慈皇后
宮人思之作歌曰我后聖慈化行家邦撫我育我懷德難忘
懷德難忘於斯萬年慈被下泉悠悠蒼天永樂元年上尊謚
曰孝慈昭憲至仁文德承天熙聖高皇后嘉靖十七年上尊
謚曰孝慈貞化哲順仁徽成天育聖至德高皇后后生懿文
太子標秦王橈登王梈成祖文皇帝周王橚寧國安慶兩公
主后崩太祖不復立后

成穆貴妃孫氏陳州人元末兵亂妃父母俱亡從仲兄蕃避

兵揚州青軍陷城元帥馬世熊得之育爲義女年十八太祖
納焉及卽位冊封貴妃位衆妃上洪武七年九月薨年三十
有二賜謚帝以妃無子命周王橚行慈母服三年東宮諸王
皆期敕儒臣作孝慈錄庶子爲生母服三年衆子爲庶母期
自妃始葬褚崗賜兄瑛田租三百石歲供祀後祔葬孝陵
皇淑妃李氏壽州人父傑洪武初以廣武衛指揮北征卒於
陣十七年九月孝慈皇后服除冊封皇淑妃攝六宮事不立
后而使妃攝自李氏始末幾薨

皇寧妃郭氏濠人郭山甫女山甫善相人太祖微時過其家
山甫相之大驚曰公相貴不可言因謂諸子子興英曰吾相
汝曹皆可封侯者以此亟遣從渡江並遣妃侍太祖後封皇

寧妃生魯王檀李淑妃薨薨攝六宮事山甫累贈營國公于興英皆以功封侯自有傳

懿文太子妃常氏關平王選春女洪武四年四月冊爲皇太子妃十一年十一月薨謚敬懿建文元年追尊爲孝康皇后永樂元年復稱敬懿皇太子妃祔葬於懿文陵

繼妃呂氏壽州人父本累官太常卿建文初尊爲皇太后燕兵至金川門廷太后至軍中述不得已起兵之故太后還未至宮中已火已隨其子允熙居懿文陵永樂元年復稱皇嫂懿文太子妃后生虞懷王雄英建文皇帝吳王允熲衡王允熿徐王允熙

建文皇后馬氏光祿少卿全文洪武二十八年冊爲皇太孫

如建文元年二月立爲皇后四年六月城陷別于火生平文
奎文圭

成祖仁孝皇后徐氏中山王達長女也幼貞靜好讀書稱女
諸生太祖聞后賢淑一日召達謂曰朕與卿市衣交也古君
臣相契者率爲婚姻卿有令女其以朕子棣配焉佳兒佳婦
足慰我兩翁達頓首謝洪武九年冊爲燕王妃從王之藩居
孝慈高皇后喪三年蔬食如禮靖難兵起王往大寧李景隆
攻城急后親率將校妻環甲胄挾矢石登陴距守景隆卒不
能破建文四年七月王卽帝位十一月冊爲皇后嘗言南北
累年戰鬪兵民疲敝宜與休息又言當世賢才皆高皇帝所
遺陛下不宜以新舊間又言帝堯施仁自親始帝輒嘉納焉

初后弟增壽常以國情輸燕爲建文帝所誅至是欲贈爵后
力言不可帝不聽竟封定國公命其子景昌襲乃以告后后
曰非妾志也終弗許一日問陛下誰與圖治者帝曰六卿理
政務餘非職也思后因請悉召見其命婦賜冠服鈔幣諭曰
婦之事夫奚細饋食衣服而已必有助焉朋友之言有從有
違夫婦之言婉順易入吾旦夕待上惟以生民爲念汝曹勉
之嘗採女憲女誠作內訓二十篇又類編古人嘉言善行作
勸善書頒行天下旣疾革惟勸帝愛惜百姓廣求賢才恩禮
宗室母驕畜外家又告皇太子曩者北平將校妻爲我荷戈
城守恨未獲隨皇帝北巡一賚卹之也永樂五年七月乙未
崩年四十有六帝大悲慟爲后薦大齋於靈谷天禧二寺聽

今臣致祭光祿爲具物甲午冊諡曰仁孝皇后葬天壽山仁
宗卽位改葬長陵上尊諡曰仁孝慈懿誠明莊獻配天齊聖
文皇后后生仁宗漢庶人高煦趙王高燧永安永平永成咸
寧四公主

恭獻賢妃權氏朝鮮人永樂七年冊爲賢妃時朝鮮貢女充
掖庭妃與焉姿質穠粹善吹玉簫帝愛憐之命其父永均爲
光祿卿八年十月侍帝北征凱還薨於臨城賜諡哀葬嶧縣
昭獻貴妃王氏蘇州人永樂七年冊爲貴妃妃有賢德事仁
孝皇后恭謹爲帝所重帝晚年多急怒如曲爲調護自皇太
子親王公主以下皆倚賴焉十八年七月薨禮視太祖成穆
孫妃

仁宗誠孝皇后張氏永城人父兵馬副指揮麒具外戚傳洪武十六年冊爲燕世子妃永樂二年冊爲皇太子妃仁宗立冊爲后宣宗卽位上尊號曰皇太后英宗卽位加上太皇太后正統七年崩合葬獻陵上尊諡曰誠孝恭肅明德弘仁順天啟聖昭皇后始爲太子妃操婦道至謹雅得成祖及仁孝皇后懽而仁宗爲太子頗被漢趙二王間體肥碩復不習騎射成祖患至減太子宮膳瀕易者數矣卒以后故得不廢旣爲后中外政事靡不周知宣宗立軍國大議多稟聽裁決是時海內泰寧帝入奉起居出奉遊宴四方貢獻雖微物必先上皇太后兩宮慈孝聞天下宣德三年太后遊西苑皇后皇妃侍帝親掖輿登萬歲山奉觴上壽獻詩頌德又明年謁

長獻二陵帝親橐韃騎導至河橋下扶輦畿民夾道拜觀陵旁老穉皆山呼迎拜太后顧曰百姓戴君以能安之耳皇帝宜重念帝奉太后過農家召老婦問生業賜鈔幣有進蔬食酒漿者太后取以嘗帝曰此田家味也扈從臣張輔蹇義楊士奇楊榮金幼孜楊溥請見行殿太后慰勞之且曰爾等先朝舊人勉輔嗣君既還京一日帝謂士奇曰皇太后謁陵還道汝輩行事甚習言輔武臣也達大義義重厚小心第寡斷汝克正言無避忤先帝或數不樂然終從汝以不敗事又有三事時悔不從也太后遇外戚嚴弟昇至淳謹然不許預議國事宣宗崩英宗方九歲大臣請太后垂簾聽政太后曰母壞祖宗法第悉除罷一切不急務時時勗帝向學委任股肱